

水經注集釋訂訛

十

水經注纂輯訂說

+

欽定四庫全書

水經注集釋訂訛卷二十

歸安沈炳巽撰

漾水 丹水

漾水出隴西氏道縣嶓冢山

在今漢中府沔縣西一百二十里

東至武

都沮縣

今為漢中府畧陽縣為漢水

常璩華陽國記曰漢水有二源東源出武都氏道縣

漾山為漾水禹貢道漾東流為漢是也西源出隴西

嶠塚山會泉

華陽國志曰漢有二源西源出隴西嶠塚山會白水經葭萌入漢此作會泉謠

以白水二字
合作泉字

逕葭萌

葭萌秦縣

入漢始源曰沔

漢屬廣漢郡今為廣

元縣屬保寧府

按沔水出東狼谷逕沮縣入漢漢中記曰嶠

塚以東水皆東流嶠塚以西水皆西流即其地勢源

流所歸故俗以嶠塚為分水嶺即此推沔水無西入

之理劉澄之云有水從沔陽縣南至梓潼

今屬四川保寧府

漢壽

今為廣元縣屬保寧府

入大穴暗通罍山郭景純亦言是

矣罍山穴小本不容水水成大澤而流與漢合庾仲

邕又言漢水自武遂川南入蔓葛谷越野牛逕至開

城合西漢水故諸言漢者多言西漢水至葭萌入漢

又曰始源曰沔是以經云漾水出氐道縣東至沮縣

為漢水東南至廣魏

何氏云道元以廣漢為廣魏者元魏故也

白水

漢書地理

志廣漢郡有白水縣應劭曰出徼外北入漢後漢郡國志廣漢郡白水縣注引山海經曰白水出蜀而東

南入江郭注曰今在縣東元和志利州景谷縣本漢白水縣屬廣漢郡宋為平興縣隋改曰景谷今四川

保寧府昭化縣之白水鎮是也鎮在縣西百里白水在縣北二十里至縣三里合嘉陵江漢巴郡治江州

縣其故城在今重慶府巴縣西大江診其泐注似與三江在縣東南嘉陵江至此入大江

說相符而未極西漢之源矣然東西兩川俱受沔漢之名者議當作義或在茲矣班固地理志司馬彪袁宏

郡國志並言漢有二源東出氐道西出西縣之嶓冢

山地理志隴西郡有西縣禹貢嶓冢山西漢所出南入廣漢白水東南至江州入江關駟云

漢或為漾漾水出崑崙西北隅至氐道重源顯發而

為漾水又言隴西隴西下當更有西字縣嶓冢山在西西漢水

所出南入廣魏白水又云漾水出獮道東至武都入

漢許慎吕忱並言漾水出隴西獮道東至武都為漢

水不言氏道然獮道在冀之西北又隔諸川無水南

入疑出獮道之為謬矣

漢志獮道屬天水郡應劭曰獮戎邑也音完其故城在今

鞏昌府東二十五里又云漢漾也東為滄浪水山海經曰嶓冢

之山漢水出焉而東南流注于江

按山海經作東南流注于沔注江夏

安陸縣江即沔水

然東西兩川俱出嶓冢而同為漢水者也

孔安國曰泉始出為漾其猶濛耳而常璩專為漾山

漾水當是作者附而為山水之殊目矣余按山海經

漾水出崑崙西北隅而南流注于配

山海經作醜

塗之水

穆天子傳曰天子自春山西征至于赤烏氐己卯北

征庚辰濟于洋水辛巳入于曹奴之

原本漏之字

人戲郭注

云戲國人名也觴天子于洋水之上

當云辛巳入于曹奴曹奴之人戲觴天子于洋

水之上今世所行穆天子傳亦漏此二字遂不可句

乃獻良馬九百牛羊七千

天子使逢固受之天子乃賜之黃金之鹿戲乃膜拜

而受余以大和中從高祖北巡狄人猶有此獻雖古

今世殊而所貢不異然川流隱伏卒難詳照地理潛

閔變通無方復不可全言闕氏之非也雖津流派別

枝渠勢懸原始要終潛流或一故俱受漢漾之名納

方土之稱是其有漢川漢陽廣漢漢壽之號或因其

始或據其終縱異名互見猶為漢漾矣川共目殊或

亦在斯今西縣嶠冢山西漢水所導也然微涓細注

若通幕歷津注而已西流與馬池水合

寰宇記馬池源出嶠冢山

又名龍淵水昔人嘗於此得馬頭骨長三尺

水出上邽西南六十餘里謂

之龍淵水言神馬出水事同徐吾來淵之異

按漢書武帝紀

元狩二年馬生余吾水中元鼎四年馬生涇注水中應劭曰余吾在朔方此云徐吾誤

故因名

馬開山圖曰隴西神馬山有淵池龍馬所生即是水也其水西流謂之馬池川又西流入西漢水西漢水又西南流左得蘭渠溪水次西有山黎谷水次西有鉄谷水次西有石耽谷水次西有南谷水並出南山揚湍北注右得高望谷水次西得西溪水次西得黃花谷水咸出北山飛波南入西漢水又西南資水注之水北出資川導源四壑南至資峽總為一水出峽西南流注西漢水西漢水又西南得峽石水口水出

苑亭曰草里谷

宋本作苑亭
西艸黑谷

三溪西南至峽石口合

為一瀆東南流屈而南注西漢水西漢水又西南合

楊廉川水水出西谷衆川瀉流合成一川東南流逕

西縣故城北秦莊公伐西戎破之周宣王與其大略

大丘之地為西垂大夫亦西垂官也

大畧大丘誤當
作大駱犬丘史

記秦本紀大駱生非子以造父之寵皆蒙趙城姓趙
氏非子居犬丘為周孝王主馬于汧渭之間焉大蕃
息孝王封為附庸邑之秦為秦侯周厲王無道西戎
反王室滅犬丘大駱之族周宣王即位乃以秦仲為
大夫誅西戎西戎殺秦仲有子五人其長曰莊公王
乃與兵五千人使伐西戎破之於是復予大駱地犬

丘井有之為
西垂大夫

王莽之西治矣建武八年世祖至陽河

竇融等悉會天水震動隗囂將妻子奔西城從揚廣

廣死囂愁

一作孤

窮城守時潁川賊起車駕東歸留吳

漢岑彭圍囂岑等壅西谷水以縑幔盛土為堤灌城

城未沒丈餘水穿壅不行地中數丈涌出故城不壞

請蜀救至漢等退還上邽但廣廉字相狀後人因以

人名名之故習謚為揚廉也置揚廉縣焉

後魏地形志漢陽郡

有揚廉縣言本以揚廣名縣因廣字與廉又東南流
字相似故謚廣為廉遂習其謚而不改也

右會茅川水

水下疑有出字

西南戎溪東北流逕戎丘城

南吳漢之圍西城王捷登城向漢軍曰為隗王城守

者皆必死無二心願諸將亟罷

原本譌罰宋本譌還今從後漢書改正

請自殺以明之遂刎頸而死又東北流注西谷水亂

流東南入于西漢水西漢水又西南逕始昌峽始昌

縣故城西

在今鞏昌府西河縣北

晉書地道記曰天水始昌縣

故城西也亦曰清崖峽西漢水又西南逕巖

宋本作宕下同

備戍南

戍在西河縣東北

左則巖備水自東南西北注之右

則鹽官水南入焉

鹽官水在西河縣北自秦州舊天水縣界流入水有鹽官

在嵯冢西五十許里相承營煮不輟味與海鹽同故

地理志云西縣有鹽官是也其水東南逕巖備戍西

東南入漢水漢水又西南合左谷水水出南山窮溪

北注漢水又西南蘭軍

朱本引謝兆申云蘭軍譌宋本作蘭軍而下文又有蘭坑

疑作蘭坑

水出於西北至交谷

宋本作交谷

東南歷祁山軍東

南入漢水漢水又西南逕祁山軍南

祁山在嵯冢之西七十里今在

西河縣北

雞水南出

一作出南

雞谷北逕水南縣西北流

注于漢漢水又西建安川水入焉其水導源建威西

北山白石戍東南二源水合注東逕建成一作威城南

又東與蘭坑水會水出西南近溪東北逕蘭坑城西

禹貢錐指作蘭倉城今犂昌府禮縣東南有蘭昌故城東北流注建安水建安

水又東逕蘭坑城北建安城南其地故西縣之歷城

也楊定自隴右徙治歷城即此處也去仇池一百二

十里後改為建安城其水又東合錯水水出錯水戍

東南而東北入建安水建安水又東北有雉尾谷水

又東北有太谷水又北有小祁山水並出東溪揚波
西注又北左會胡谷水水西出胡谷東逕金盤歷城
二軍北軍在水南層山上其水又東注建安水建安
水又東北逕塞峽元嘉十九年宋太祖遣龍驤將軍
裴方明伐楊難當將妻子北奔安西參將魯尚期追
出塞峽即是峽矣左山側有石穴洞人言潛通下辨
所未詳也其水出峽西北流注漢水漢水北連山秀
舉羅峰兢峙祁山在嶓冢之西七十里

宋本無
置字山上

有城極為巖固昔諸葛亮攻祁山即斯城也漢水逕其南城南三里有亮故壘壘之左右猶豐茂宿草蓋

亮所植也在上邽西南二百四十里開山圖曰漢陽

西南有祁山蹊徑委迤山高巖嶮九州之名岨天下

之奇峻今此山於衆阜之中亦非為傑矣漢水又西

南與申

宋本作甲

谷水合水出西南申谷東北流注漢水

漢水又西逕南岸

宋本作岨下同二
岨今在西河縣

北中岨之上下

有二城相對左右墳壠低昂亘山被阜古語云南岨